



GALLICIA
REGNUM

OCEANUS

OCCIDENTIS

ORIENS

DENARIIS

PORTUGALIAE PARS



Sauveur l'Histoire Compostellane, departie en 2 livres par le commandement de Didaque premier Archevesque Compostellan, esquels les Commencemens, succez & accroissemens de L'Eglise Compostellane sont descrits. Voyez aussi L. Marin. Sic. liv. 5. des choses d'Esp. touchant les temples & lieux de devotion. Les villes Episcopales de Galice sont: Tude, Tyde à Pline, vulgairement Tuis, Mingo la passe, ja accreu par l'acces de plusieurs fl. *Auria & Aurigis*, dont prenoit le nom l'Evesque Aurefin ou Aurifin & Aurienfe. Charles Clufius la nomme aujourd'huy *Orensa*, ville sur le fl. Mingo; *Aqua Calida* de Ptol. à l'advise de Gomecius en la vie de François Ximenius: adjoustant qu'elle fut apellée des Sueves peuples de Germanie, qui jadis ont subjugué ceste coste, en leur propre idiome *Warense*. Ortelius advertit qu'on doit écrire *Warmzee*, qui n'est autre chose, que *Lac chaud*; *Aqua Cilina* à Antonin, des peuples *Cilini*, à mon avis. *Lucus* aux Latins aujourd'huy *Lugo*; *Lucus Augustus* à Ptol. *Turris Augusti* à Pompon, *Ara Sextiana* à Pline, aussi *Ara Sestij* un Promontoire à Ptol. sur l'Ocean Cantabre es Artabres. Le fleuve Mingo passe aussi par devant ceste ville. C'est le siege de l'Evesque; *Pons Vetus*, *Ponte vedre*, *Ribadeum*, vulgairement *Ribadeo*; *Dactonim* de la gent des *Cilins* à Ptol. comme veult Coquus, *Arqua*, *Araduca* à Ptol. à l'advise de Molcius: Florian pourtant pense *Araduca* estre ceste villette, qu'aujourd'huy on appelle *Gummaré*. Au mesme lieu fut aussi *Iria Flavia* de Ptol. laquelle semble *Padron* (*Patronium* tres-bien cogneu aux Pelerins) Clufius & Moralis (auquel aussi en quelque endroit *Fuente ençalada*) à quelques uns, entre lesquels L. Marin liv. 111, s. *Marie és fins de la Terre*. Le mesme Marin Sicilien recite le reste des villes. *Galice* a aussi des eaux chaudes, gueriffantes de beaucoup d'infirmitéz. Ya une fontaine pres la ville d'Orens nommée *Burga* jettant des sources contre mont, si chaude qu'on y cuit des œufs, & que des pourceaux y plongez on oste aysément les poils. Entre les Galiciens naist *Asture*, Riviere celebre: de laquelle les *Astures* sont nommez. Mention en est faite en Orofe livr. 6 chap. 2 de l'Histoire Romaine. Il y a davantage *Minius* vulg. *Mingo*, *Eume*, *Bravio*, *Mandeu*, *Mero*, *Inuvia*, & d'autres. Ce pays a plusieurs Ports, entre lesquels le plus celebre, qui fut nommé *Brigantia*, *Coruna* ou la *Couroune* aujourd'huy: *Magnus*, grand, aux anciens, comme estant tres-ample, & ref-seure rade de navires. Par iceluy se deschargent en mer ces fl. cy: *Eume*, *Bravio*, *Mandeu*, *Mero*. Guerres loing d'icy est le *Port Ferol*, autrement *Pharus*, par lequel le fl. *Inuvia* coule en la mer. Suit *Vivero*, par lequel *Lambrone* se jette en la mer: *Ribadeo*, par iceluy *Eu* ou de *Miranda*, qui peut estre, est *Navia* des anciens, se melle avec la mer. *Sainte Marie és fins de Terre*, ainsi appellé de la ville du mesme nom. *Novium* à Ptol. *Noela* à Pli. Aujourd'huy *Noia* a Charles Clufius, s'appella aussi *Ria de Muros* d'une ville guerres loing de là, Et icy le fleuve *Tambre*, lequel on croit estre le *Tamara* des Anciens, tombe en mer; *Ria de Padron*, ainsi dit de la ville *Padron*, laquelle quelques uns croyent estre *Iria Flavia*. En ce lieu le Fleuve *Vila*, ja accreu de plusieurs ruisseaux se descharge en mer, ayant premierement faluë trois petites Isles *Aroca*, *Grave*, & *Salicora*. *Ria de Pontevedra*, appellé ainsi de la ville *Ponte Vedre*, & c'est icy que *Leris* se perd en la mer; *Rio de Vigo*, où le petit fleuve *Caldelas* se descharge. Et finalement le *Port de Bajonne*, de la ville *Bajonne*, surnommée vulgairement de *Gallizia*, à la difference de l'autre *Bajonne* nommée *Françoise*, qui se trouve en Gascoigne. Au port susdit de *Bajonne* de Galice arrivent ordinairement les navires Angloises chargez de Marchandises, veu que les Marchants Anglois ont icy l'Estape de leurs draps. Le pays est aspre de montaignes, lesquelles donnent grande abondance de bois pour bastir des navires. Et la plus part des habitans de ce Royaume demeure es montaignes, esquelles on voit par tout des habitations assez commodes. Orentre les Temples de ce pays celui de S. Jaques de Compostelle est le plus celebre de tous: fondé par Alphonse le Chaste en l'honneur de l'Apoftrre S. Jaques, au lieu auquel les reliques d'iceluy avoyent esté trouvées, à l'ayde de l'Evesque Theodomire. Il appert par le privilege du Roy susdit octroyé à ceste Eglise, que cela est advenu l'an 835, l'an 121, apres que le recouvrement des Espaignes avoyt esté commencé, lors que l'invasion & degastement d'icelles avoit tombé en l'an 714 regnant Roderic. Depuis l'edification de ce temple, ils disent que le nom de S. Jaques commença à estre celebre par divers miracles, comme qui souvent ayt esté veu (car ils recitent ainsi) venir au secours des Espagnols au combat contre les Maures, notamment du Roy Ramire. A raison de quoy les Espagnols sont accoustuméz de l'appeller à haute voix aux batailles, sous le nom de *Santjago*, & toute l'Espaigne l'a choisy pour Saint tutelair: & Alphonse 1^x ayant surmonté miraculeusement Miramolin, institua l'ordre des Chevaliers de S. Jaques, qui est le plus honorable ordre d'Espaigne: auquel personne ne peut estre anomébré sinon né de parents illustres. Alphonse 111, surnommé le Grand, feit bastir ce Temple beaucoup plus auguste, & tous les Roys consequemment, l'ont merveilleusement tousiours orné & enrichy. Voire les Papes de Rome ont donné à ceste Eglise divers dons, privileges & exemptions. Car Iean 8 permit par son Breviaire, qu'elle fut consacrée. Urbain 2 transporta le siege Episcopal d'Iria Flavia en ceste cy, & l'exempta du Metropolitan Bracarense, Paschal luy confirma ladite liberté, & outre ce donna à l'Eglise de Compostelle ceste Prerogative, que 12 Cardinaux seroyent creéz en icelle. Ces Cardinaux sont choiz hors des autres Chanoines de ceste Eglise. Le mesme Pape permit à l'Evesque de Compostelle le manteau, duquel les seuls Archevesques ont accoustumé d'user. Finalement Calixte 2 erigea l'Eglise de Compostelle à un Archevesché, en luy attribuant la Metropolitan Emerite. Ceste Eglise souloit estre fort fréquentée des Pelerins hors toute la Chrestienté à cause du veu: & ces veux ont commencé à estre acceptez des Papes en leur Bulles, comme les veux de la ville de Jerusalem. Jusques aux temps d'Alphonse 6, qui receut la ville de Toledo des Maures, le corps du S. Apoftrre fut ainsi posé en une Arche de marbre en laquelle il avoit esté trouvé, sous l'autel, affin qu'il peut tousiours estre veu des Rois & autres Princes: mais quand D. Diego Celmires, le premier Archevesque de ceste Eglise, eut amené le Temple en ceste amplitude en laquelle on le voit à present, il fit ainsi referrer les reliques du S. Apoftrre en la voulte sous l'autel dans ladite Arche de marbre, de sorte que depuis aucun ne les a veu. La plus grande richesse de Galice vient du vin d'Orens, & de la pesche des habitans.

Fleuves.
Ports.
Montagnes.
Oeuvres publics



GALICE, qui s'escriit aussi *Galicie* ou *Gallacie*, prend nom des *Callaiques* peuples anciens: aux Espag. *Gallizia*, & est comprise entre la riviere Avie, & la mer Oceane, laquelle elle a au Sept. & à l'Occident: au Midy Portugal: au Levant Asturie. Les limites de ceste region furent jadis plus grandes, du temps qu'elle faisoit la sixiesme province d'Espaigne, comme nous avons dit. Vers le Midy ceste partie de Portugal, laquelle est entre les fl. *Duro* & *Mingo*, luy fut attribuée: au Levant s'estendoit presque jusques aux môts Pyrenees, les *Astures* & *Cantabres* estant nommez en la Galice. L'Itineraire d'Antonin met la 7^e legion (aujourd'huy *Leon*) en Galice. Scotus aussi, l'Autheur de la Not. des Prov. pose le Prefect de la 7^e legion *Gemina*, Double, en la mesme Province. Voire Paul Orofe escrit *Numance*, jadis ville celebre de la region des Pelendons, estre assise à l'entrée de Galice. Finalement Rod. Sanche en la 1^e partie de l'hist. d'Esp. ch. 6 attribue à Galice la *Biscaie*, *Guipuscoa*, & celles parties que nous appellons aujourd'huy *Castille vieille*. Son air est temperé: & abonde en fruits, notamment en Citrons, les meilleurs de toute l'Espaigne: est fertile en bons vins, sur tout pres d'Orens & *Ribadevie*, & se transportent aussi en beaucoup de provinces d'Espaigne. La region de Galice, dit Troge, est tres-fertile d'erain, & de plomb, mesmes tres-riche en or, de sorte que les labourers mesmes avec la charue, couppent souvent des mottes d'or. Le mesme raconte qu'il y a ez fins dudit pays un saint mont, qu'on tient pour chose illicite de le forcer par le fer, & si quelquefois la terre est fendue par l'esclair (ce qui advient souvent en ce cartier) qu'on y cueille l'or descouvert, comme un don de Dieu. Pline la dit avec l'*Asture* & *Lustanie*, estre esgalement feconde en metaux. Strabon escrit qu'on y a trouvé quelquefois entre les raclures d'or, des glebes de demye livre. Pline escrit par le rapport d'autres, que l'*Asture*, *Galice* & *Lustanie* donnoit en chaque année vingt mille livres d'argent. Mesme Niger dit, qu'aux Artabres le terroir est tres-fertile en or, erain & plomb, de sorte que les charues coupent souvent des glebes d'or. Quoy que la Galice soit un pays aspre à cause des montaignes, & qui n'a gueres d'eaux est neantmoins riche en haras, bestail, & en la chasse. Abonde tant en chevaux, qu'on les dit estre con-ceuz du vent. Ya a force poisson, mesmes des faumons, congres, & d'une sorte qu'ils appellent vulg. *Pescadas*: & beaucoup d'autres fort delicats, lesquels salez se transportent en divers cartiers d'Espaigne. Au mois de Novembre & Decembre s'y prend une infinité de poissons appelez vulgairement *Befuges*, de 2 livres ou environ: & se transportent tout frais à vendre par toute la Castille: car le froid fait qu'on les peut garder. Ils sont de bon goust, meilleurs toutefois sont ceux qui se prennent en l'Ocean, que ceux de la mer Mediterranée: car le froid de l'Ocean engraisse les poissons, & pourtant tant plus ilz sont proches du Septentrion, tant plus ils sont meilleurs. Icy ont jadis fleury 30 peuples, comme dit Strabon, les principaux desquelz on nomme *Calleges*, à plusieurs *Gallaces*, *Callaics* à Ptol. & Strab. *Gallages* à Eutrope. Strab. li. 3 met icy *Callacie*, comme Iust. liv. 43. Dont Martial fait *P Ocean Calaic*. Voyez de l'origine & du nom des *Callaiques* Iean Gerundenfe Evesq. au Paralipom. d'Esp. liv. 2. Roderic Toletan liv. x des choses d'Esp. chap. 4. & autres. D. Iunius Brutus Consul l'an de la fondation de Rome 1000, dompteur des *Callaics* & *Lufitains*, jusques à l'Ocean, obtint le surnom de *Callaic*: auquel temps, quand l'armee refusa de passer le fl. *Lethe* de mauvais encontre, il transporta luy mesme l'enseigne qu'il print du port-enseigne, & incita les soldats à le suivre, par un stratagemme animeux. Liv. li. 56. Ce Brute bastit un temple à Rome, en la region d'icelle, de *Brute Callaic*, duquel mentionnent Viét. & Pl. li. 36 de l'hist. nat. ch. 5 lequel note y avoir esté un Colosse de Mars & une statue de Venus de Gnide, nuë. Y en a qui escrivent en Strab. que les *Callaics* n'ont rien senti des Dieux. Les *Amphiloques*, lesquels Iustin fait une portion de Galice li. 43: Les *Cilins* ou *Cilenes*, comme ils s'escrivent en autres exempl. à Pl. & à Ptol. *Celtiques* à Pom. pres le Promontoire Celtique. *Celtas* à Stra. Les uns desquelz Pl. surnomme *Neries*, les autres *Presamarques*, de noms Germain, l'un desquelz note Celtiques Inferieurs, l'autre maritims & demeurants pres de l'Ocean; car les Germain habitierent jadis ces lieux là au long & au large. Les *Tamariques* au fl. *Tamaris*, à Ptol. *Tamara*: & aujourd'huy *Tamar*. Les *Capores* à Plin. *Capores*, à Ptol. *Aroresbes* à Pl. *Artabres* & *Aroresbes* à Str. pres le Promontoire Artabre. Les *Lucentes* à Pl. *Callaics Lucentes* de Ptol. desquelz encores aujourd'huy *Lugo* pres le fl. Mingo, *Zela* à Pl. qui aussi fait mention du lin *Zeelic*. *Galice* obtint titre de royaume environ l'an de nostre Seig. 1060. Car lors Ferdinand fils de Sanche Majeur Roy de Navarre, Roy de Castille, ayant prins en mariage *Sanctia* fille d'Alphonse 5 seür & heritiere de Veremond 3 Roy de Leon: & ayant ensemble uny les 2 royaumes de Castille & de Leon, ayant 3 fils, nomma par testament *Sanche* Roy de Castille: *Alphonse*, de Leon & des Astures: puis *Garsie*, de Galice (laquelle acquise par les ancestres de sa femme n'avoit jusques alors esté qu'un Comté) & de Portugal. Mais *Sanche* mal content de ceste division paternelle, chassa son frere *Alphonse* de son royaume, & fit mourir *Garsie*. Puis *Sanche* ayant regné pres de 6 ans, meurtri en trahison par *Vellidus*, *Alphonse* qui tousiours retiré comme banny avoit esté en Toledo pres le Roy des Maures, ne recouvra seulement son regne propre, mais aussi ceux de Castille, Galice, & Portugal. *Alphonse* eut 3 enfans legitimes d'autant de femmes: d'Isabelle Roine de France, *Sanctia* mariée à Roderic Comte, lequel mena nouvelles peuplades à *Ciudad Rodrigo*: de *Zadia* Maure, fille du Roy de Sibile, *Sanche*, lequel fut tué en une bataille contre les Sarafins, puis de *Constance Vrraque*, laquelle survivant *Sanche* & *Sanctia* estant morts sans enfans, apres Raymond Berengaire Comte de Barcelonne, se maria à *Alphonse* 7, le plus puissant Roy de tous ses predecesseurs, & qui merita d'estre appellé Empereur des Espaignes. Depuis ce téps là Galice a tousiours eu un Roy & Prince commun avec Castille & Leon. Ya en Galice plusieurs villes. La ville Archiepiscopale & metropolitanne de Galice est *Compostelle*: où l'on dit que le corps de S. Jaques repose, duquel la ville mesme, comme aussi de son Academie estant renommée, s'appelle *Santjago*, jadis *Brigantium*. Or elle est appelee par Antonin & Dion, *Brigantium*, *Brigantia* à Orofe, qui adjouste qu'il y a un tres-hault Phare: Ptol. luy ajouste un surnom *Flavium Brigantium*. Mais *Flavium Brigantium* est selon Beutere, Coquus, & Iean Mariana *Betancos*, à Florian & Gomece *Coruna*, la *Couroune*. Iean Gerundenfe livre premier d'Espaigne, escrit *Compostelle* estre dite, comme *Composens stellam*, pource que l'estoille du soir, autrement salutaire en ces pays & regions là, est aussi ainsi appelee. Elle a un Archevesché, le siege duquel fut autrefois *Iria Flavia*, dont *Triense*. Mais transporté avec tout ce qui avoit esté de l'Eglise d'Iria à *Compostelle* d'Urbain 11 par les prieres de Dalmachus Evesque l'an 1000, des lors à commencé estre nommé *Compostellan*, ou de S. Jaques, du corps de l'Apoftrre lequel y est honoré religieusement. Il ya à Salamanque en la Bibliothéque du College de S. Sauveur

Noms.
Sit.
Temperie
Fertilité.
Variété
d'anim.
Pouvoir & Gouvernement.
Villes.